

## Chhiáⁿ Ūi Goán Kító

3 Chhèāu, hiaⁿtī chímōe, chhiáⁿ ūi goán kító, hō Chú ê sînsit ē tàng chin kín tòh thoân khui koh tit tiòh êngkng, tú chhinchhiūⁿ tī lín tiongkan kângkhoán. 2 Mā chhiáⁿ ūi goán kíkū SiōngChú, hō goán ē tàng thoatlī hiahê bô líseng kah siáok ê lâng, inūi pēng m̄ sī sōū ê lâng lóng ū sìn Chú.

3 M̄ koh, Chú sī sînsit ê, I ē hō lín kiankiông, koh pòsiú lín bián siū hiahê pháitⁿlâng ê sionghāi. 4 Chú hō goán tui lín ū sînsim, siongsìn goán sô hoanhù lín ê tāichì, lín chit má lóng ū teh chunhêng, jíchhiáⁿ chionglái mā ē kèsiók chunhêng. 5 Goán Chú ínhhōa lín ê sim, lâi thégiam SiōngChú ê thiàⁿ kah Kitok ê thunlún.<sup>1</sup>

## Kangchok ê Púnhūn

6 Hiaⁿtī chímōe, goán hōng Chú lésu Kitok ê miá bēnglêng lín, tiòh siámpī hiahê sengoáh pîntōaⁿ, bô chunsiú tui goán niásiū ê kàsī teh kiàⁿtâh ê sîntō. 7 Kísit lín kakī íkeng chaiiáⁿ tiòh ánhóaⁿ òh goán, inūi goán tī lín tiongkan sengoáh ê sí, lóng m̄ bat pîntōaⁿ, 8 mā m̄ bat pēhpēh chiáh lâng ê chiáhmh, tiantò mējit lôkhó kangchok, bián tit chiáⁿchò lín tiongkan jīmhô lâng ê hūtam. 9 Goán áne chò, pēng m̄ sī kóng goán bô koân thang iaukiú lín kiongkip, khiok sī beh ēng goán kakī chò lín ê bôhoân, thang hō lín háksíp goán ê khoánsit. 10 Goán iáu kah lín chòhóe ê sí, bat bēnglêng lín kóng, "M̄ khéng chòkang ê lâng, mā m̄ thang hō i chiáh."

11 Goán áne kóng, sī inūi thiaⁿ kóng lín tiongkan ū lâng pîntōaⁿ m̄ thóthàn, kui kang êngêng, khiok kantaⁿ ài chhap lâng ê êng'á sū. 12 Goán hōng Chú lésu Kitok ê miá bēnglêng kah khoànkài chit khoán lâng, tiòh anhūn chòkang,

## 請為阮祈禱

3 最後，兄弟姊妹，請為阮祈禱，hō主 ê 信息 ē tàng 真緊 tòh 傳開 koh 得 tiòh 榮光，tú 親像 tī lín 中間全款。2 Mā 請為阮祈求上主，hō 阮 ē tàng 脫離 hiahê 無理性 kah 邪惡 ê 人，因為並 m̄ 是所有 ê 人 lóng 有信主。

3 M̄ koh，主是信實 ê，祂 ē hō lín 堅強，koh 保守 lín 免受 hiahê pháitⁿ 人 ê 傷害。4 主 hō 阮對 lín 有信心，相信阮所吩咐 lín ê tāichì，lín chit má lóng 有 teh 遵行，而且將來 mā ē 繼續遵行。5 願主引 chhōa lín ê 心，來體驗上主 ê 疼 kah 基督 ê 吞忍。<sup>1</sup>

## 工作 ê 本分

6 兄弟姊妹，阮奉主耶穌基督 ê 名命令 lín：Tiòh 閃避 hiahê 生活 pîntōaⁿ，無遵守 tui 阮領受 ê 教示 teh 行踏 ê 信徒。7 其實 lín kakī 已經知影 tiòh án 怎學阮，因為阮 tī lín 中間生活 ê 時，lóng m̄ bat pîntōaⁿ，8 mā m̄ bat 白白食人 ê 食物，顛倒暝日勞苦工作，免得成做 lín 中間任何人 ê 負擔。9 阮 áne 做，並 m̄ 是講阮無權 thang 要求 lín 供給，卻是 beh 用阮 kakī 做 lín ê 模範，thang hō lín 學習阮 ê 款式。10 阮 iáu kah lín 做伙 ê 時，bat 命令 lín 講：「M̄ 肯做工 ê 人，mā m̄ thang hō 伊食。」

11 阮 áne 講，是因為聽講 lín 中間有人 pîntōaⁿ m̄ 討 thàn，kui 工閒閒，卻 kantaⁿ ài chhap 人 ê 閒 á 事。12 阮奉主耶穌基督 ê 名命令 kah 勸戒 chit 款人，tiòh 安份做工，kakī 討

<sup>1</sup> Goánbún hêngthài iah thang hoanék chò：Tikàu ē thiàⁿ SiōngChú kah ū nāsim thènghāu Kitok. <sup>1</sup>原文型態亦 thang 翻譯做：致到 ē 疼上主 kah 有耐心 thèng 候基督。

kakī thóthàn lâi îchhî kakī ê sengoáh.

13 M̄ koh, hia<sup>n</sup>tī chímōe, lín chò hósu, m̄ thang kámkak iàsiān. 14 Nā ū lâng bô sūnhók goán tī chit tiu<sup>n</sup> phoe lâi só kóng ê ōe, lín tiòh chùi chitê lâng, mā m̄ thang kah i lâióng, thang hō i kakī kámkak kiànsiàu. 15 Chóng sī, lín m̄ thang kā i khòa<sup>n</sup> chò sī tékjî, khiok tiòh kā i tòngchò hia<sup>n</sup>tī chímōe lâi khoànbían.

## Chòeāu ê Chhéngan

16 Goān siú<sup>n</sup>sù pêngan ê Chú sîsî ēng tàk chióng honghoat chhinsin siú<sup>n</sup>sù lín pêngan. Goān Chú kah lín tãike tôngchāi!

17 Góa Páulô chhinpit kā lín chhéngan, che sī góa tī tàk tiu<sup>n</sup> phoesìn lóng ū ê piakì; góa lóng sī áne siá ê. 18 Goān lán ê Chú Iésu Kitok ê intián, kah lín tãike tôngchāi!

thàn 來維持 kakī ê 生活。

13 M̄ koh, 兄弟姊妹, lín 做好事, m̄ thang 感覺厭倦。 14 若有人無順服阮 tī chit 張 phoe 內所講 ê 話, lín tiòh 注意 chitê 人, mā m̄ thang kah 伊來往, thang hō伊 kakī 感覺見笑。 15 總是, lín m̄ thang kā 伊看做是敵人, 卻 tiòh kā 伊當做兄弟姊妹來勸勉。

## 最後 ê 請安

16 願賞賜平安 ê 主時時用 tàk 種方法親身賞賜 lín 平安。願主 kah lín 大家同在！

17 我保羅親筆 kā lín 請安, 這是我 tī tàk 張 phoe 信 lóng 有 ê 標記; 我 lóng 是 áne 寫 ê。 18 願咱 ê 主耶穌基督 ê 恩典, kah lín 大家同在！